



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput IV. (a) Clemens III.

[urn:nbn:de:hbz:466:1-74533](#)

non omittas. Verum si de consuetudine haberetur, ut talia conjugia sustineantur, & permittantur; tu in eadem Ecclesia hujusmodi conjugia dissimulare poteris, ita quod nec contradicere, nec tuum praestare videaris assensum: quia sicut grave est antiquam consuetudinem circumadjacentium Ecclesiarum super his contemnere; sic quoque gravius videtur, si propterea hujusmodi conjugii tuum indulgeres assensum, cum posset in exemplum assumi.

NOTÆ.

1. **V**igor. Ita legitur in prima collectio ne, sub hoc titulo cap. 3. in hac sexta legitur Wigorniensis; sed Antonius Augustinus in *nois ad hunc textum*, retinendam putat lectio nem Wigornensem, de qua diecensi nonnulla notavi in cap. 9. dicitur.

2. **C**onsuetudinem. Et ita consuetudine induci

posse impedimenta matrimonii, probatur in c. 1. hoc titul. cap. quod dilecto 3. cap. quod debet, de consanguin. & affin. cap. olim, de clericis conjug. & docebat Apia lib. 4. catena moralis, q. 24. quod quod modo accipiat, & quae conditions in tali consuetudine desiderentur, exponit late Bafli. lib. 6. de matrim. cap. 4. cum sequent. & nos aliqua adduximus in cap. 1. de sponsal. & textum hunc exceptum in cap. 1. hoc titul.

C A P U T I V.

(a) Clemens III.

Martinus Bertam duxit in uxorem; Tebergam sibi Lotharius copulavit, & Lotharius Bertæ & Martini filium de sacro fonte suscepit: Lothario vero & Berta sublatis de medio, Martinus cum Teberga contraxit: queritur à nobis tua fraternitas, utrum tales sint ab invicem separandi. Nos autem tuae fraternitatis consultationi duximus respondendum, quod cum secundum verbum Domini, vir & mulier una per connubium caro efficiantur, liquidum est; Tebergam non posse Martino matrimonialiter copulari, qui compater ejus fuerat, cum quo ipsa Teberga una caro noscitur exitissit.

NOTÆ.

1. **C**lemens III. Ita etiam legitur in secunda collectione, sub hoc titulo cap. 1. nullib[us] tamen exprimitur, cui rescribat Pontifex, licet facile ex nominibus conjugum, de quibus in praesenti agitur, cognoscatur cum Prælato aliquo Galliae in eo alloqui.

COMMENTARIUM.

2. **P**ro hujus textus expositione sciendum est, compaternitatem spiritualem, juxta veteres canones duplice fuisse, directam videlicet, & indirectam: directa compaternitas est, qua inter naturales patres baptizati, vel confirmati, & baptizantem seu confirmantem, & patrinos baptizini, & confirmationis contrahitur, cap. 1. cum sequent. 30. q. 3. indirecta vero compaternitas erat, qua extendebarat ad uxorem compatriis, etiam si non commater fuisset, antea tamen cognita, c. sciscitur, c. se pater, cap. si quis 30. q. 4. in coniugio non vero, si illicite per copulam liberam, l. 1. rit. 7. p. 4. nam cum maritus, & uxor efficiant una caro, *Genes* cap. 2. cap. dex. *divinae*, cum seq. 27. q. 1. c. quomodo 31. q. 1. cap. debitum, de bigam. non ordin. consequens est uxorem esse commatrem illi masculo, eius filium maritus de sacro fonte suscepit, & per consequens non poterit vidua facta, matrimonialiter cum illo copulari, ut resolvit Pontifex in praesenti: itaque commatres duos non potest quis etiam unam post mortem alterius habere in coniugio, d. cap. 1. 2. & 3. d. c. quod autem 6. in fine 30. q. 4. Nec huic juris principio obstat textus in c. qui spirituali 4. 30. q. 4. ubi in can. 47. Concilii Triburialis statuit, conjugatum, qui filium

alterius de sacro fonte suscepit, esse patri naturali commatrem, non autem esse illi uxorem commatrem, idcirco marito defuncto posse viduam cum patre baptizati matrimonialiter copulari: quod etiam docuit Paschalis Papis in cap. post uxoris 5. eadem 30. quæst. 4. ubi ita generaliter statuit: Post uxoris obitum cum commatre uxoris viri superstites coniugio copulari, nulla videtur auctoritas, vel ratio prohibere; nec enim cognationi carnis cognatio spiritus comparatur, nec per unionem carnis ad unionem spiritus transiuntur. Nam pro istorum iurium solutione discrimen constitendum est inter uxorem patris spiritualis, & inter uxorem patris naturalis; ad patris enim spiritualis uxorem prius, ut supponimus, cognitam, spiritualis cognatio transfunditur, ex praesenti textu; atque ita si unus ex conjugibus filium aliorum de sacro fonte suscepit, ambo, videlicet vir & uxor, compates efficiuntur parentibus infantis, d. cap. si quis 3. 30. q. 4. & per consequens si Maria uxor Joannis, inter quos matrimonium fuerat consummatum, levasset de fonte filium alterius feminæ, non potest Joannes cum feminâ illa post mortem uxoris matrimonium contrahere, juxta textum ita intelligendum in dicto c. sciscitur, 30. quæst. 4. ad uxorem vero naturalis patris cognatio spiritualis, seu compaternitas non extenditur; atque ita si Joannes conjugatus filium Martini in baptismo suscepit, efficitur compater tantum Martini, non autem Mariæ uxor eius, cum filius esset Martini ex alia feminâ; idcircoque Martino compatre suo defuncto, potest Mariam viduam ducere in uxorem, si aliud impedimentum non obstat; nam inter eos nulla cognatio spiritualis contrahitur. Juxta quem calum accipiens est textus in dicto cap. qui spiritualia.

spiritualem 4. Eademque solutione expōndus est Paschalis in dīct. cap. post uxoris , dum docet , post uxoris obitum post virum superstitem cum committre uxoris conjugio copulari , quia scilicet ad maritum non fuit translata cognatio spiritualis uxoris , quam uxor contrarerat , prop̄terea quod sua committere filium proprium ipsius uxoris ex alio viro de fonte levasset : p̄fessurunt Archidiaconus & Turrifremata in dd. iuribus , Bohic. in pr̄senti , Joannes Grumellus de spons. conclus. 20. casu 5. num. 14. extat tom. 16. tract. Doctor. Sylvest. in summa , verbo Matrimonium 8. quest. 7. num. 7. hujus discriminis rationem adduxit Glossa in dīcto cap. qui *spirituale* 30. quest. 4. & in cap. 2. verbo *Cognitum* , hoc titul. lib. 6. & ait, in hac parte conjuges communicare sibi actiones , non autem passiones ; id est ; conjugem communicare conjugi cognationem spiritualem provenientem ex actu conferrendi sacramentum , aut levandi , vel suscipiendo filium alienum in sacramento baptismi , vel confirmationis : non autem communicare cognationem provenientem ex eo , quod patiatur ab

alio. Sed hæc doctrina potius est ipsius juris constitutio , quam ipsius constitutionis ratio ; quare veram rationem existimō provenire ex eo , nam cū vir & uxor per actionem carnalem , seu corporalem efficiantur una caro , & unum corpus , non verò unus sp̄ritus , d. cap. debitum , inde provenit , ut cognatio , quæ per corporalem actionem unius conjugis acquiritur , communicetur alteri , quasi parti corporis ejus ; non verò communicetur cognatio , quæ contrahitur per animi passionem conjugis : nam animus , seu anima , non fuit communicata , ut considerat Archidiaconus in d. cap. qui *spirituale* , maximè cū hæc cognatio per passionem contracta , non acquiratur per factum corporale conjugis , sed per tactum proprii filii , vel contactum patrini , atque ideo rationi congruum est , ut alteri conjugi non communicetur. Hostiensis in summa hujus tituli , §. ultima , numer. 7. Hæc autem compateritas indirecta sublata est per Concil. Trident. sess. 24. de reform. cap. 2. an verò jure communii attento hæc cognatio communicetur fœminæ extra matrimonium cognitæ , exponemus infra in cap. contracto.

C A P U T V.

(a) Clemens III.

Contracto matrimonio inter P. de Regali , & A. uxorem suam , sicut ejusdem P. nobis conquestio patefecit , cūm per biennium insimul cohabitassem , & ex ea filium memoratus P. suscepisset , quidam consanguinci ejusdem A. volentes eam separari à viro , contra matrimonium objecterunt , afferentes quod eadem A. in primo (b) sacrati salis pabulo filium concubinæ (c) quondam ipsius P. tenuit , cūm fuerit primò in Ecclesiam inductus : & propter hoc tuam adeuentes præsentiam , dicebant ipsam à viro pertuum judicium debere separari : tua verò fraternitas , sicut acceperimus , causâ non cognitâ , carnale eis commercium interdixit , prohibens ipsi P. ne debitum ab uxore requireret. Verum quoniam , si constaret Ecclesia vera esse quæ diximus , non ideo tamen contractum matrimonium solveretur , quæ res utriusque vix contrahendo matrimonio impedimentum afferret , disc. t. per A. f. m. quat. præfato P. firmiter injungas auctoritate nostrâ , quod memoratam A. sicut uxorem propriam affectione maritali pertractet , & carnale debitum ab ea licenter exigat & persolvat , sive , quod supra dictum est , ipsam A. ante matrimonium contractum cum P. sive postea id egle confiterit ; dum tamen si in fraudem , causâ separandi matrimonii hoc fecit , poenitentiam pro præsumptione accipiat , matrimonio in sua firmitate durante .

N O T Æ.

1. (a) *Clemens III.*] Ita etiam legitur in secunda collectione , sub hoc titul. cap. 2. nullib[us] tamen exprimitur , cui rescribat Pontifex , præsentis tamen constitutionis meminit Bonifacius VIII. in cap. 2. hoc titul. in 6.

2. (b) *Sacrati salis pabulo.*] Consonat textus in cap. 1. 30. q. 1. Sal in catechumeni os inseri solitum jam à primis Ecclesiæ temporibus , constat ex sancto Gregorio in lib. Sacram. de ord. ad catecham. ibi : Postea interrogat nominacorum , & ponit de ipso sale in os ipsorum. Et cap. exinde , cap. sal. c. ex his , de consecr. dist. 4. Pontifice Deus dedit in epist. ad Gordiam Hispalensem Episc. ibi : Septem sunt dona baptismi à primo pabulo sacrati salis , & ingressa sancta Ecclesia usque ad confirmationem Spiritus sancti per christum. S. Ambrolio in. c. 12. D. Luce , D. Augustino lib. 1. confess. c. 11. Rabano D. D. Gonzal. in Decretal. Tom. IV.

Mauro de instit. cleric. c. 27. Beda in Esdras lib. 2. c. 9. & in lib. 1. Regum , c. 27. Alcuino de ecclesiastico officio , c. de Sabato sancto , Walfrido Strab. de rebus Eccles. c. 26. Cujus ritus rationes adduxerunt Isidorus Hispal. lib. 2. de officiis , c. 20. ibi : Sales autem in mysterio catechumenis dandos à Patribus , inde est institutum , ut eorum gustu condimentum sapientia percipient. Smaragdus in epistol. de Sabatto Pentecost. ibi : Idcirco hi , qui baptizandi sunt , Salem in sacramento accipiunt , ut ejus gustu condimentum sapientia percipient , nec à sapore Christi desipiant , & sint insulsi & fatui. Ivo Carnot. sermon de sacram. Neophyt. ibi : Postea datur sal benedictum in os pueri , ut per typicum sapientie salis conditus , factore careat iniquitatis. Hugo Victorin. lib. 1. Sacram. c. 18. ibi : Postea datur sal benedictum in os baptizandi , ut sale sapientia sit conditus. Illustrant Vicecomes lib. 2. de ritibus baptismi. c. 42. F. Josephus à S. Maria de ceremoniis baptismi. c. 16.

O 3

(c) Quoniam